

84(2=642)6

Б 20

109902

ЖАМЬЯН
БАЛДАНЖАБОН

Таровоз ХУУГАЙЛНА



Усем Казанцевичеву

Внасле по наследству
Колхоза им. Мухоморова
Бурачского Кан. огу.



Исполнитель: Утевский

13/12-1985.



ЖАМЪЯН
БАЛДАНЖАБОН

Паровоз ХУУГАЙЛНА

Р о м а н



Бурядай номой хэблэл
Улан-Удэ
1960



НЭГЭДЭХИ БҮЛЭГ

1

Хоёрдохн хоногоо саһа бордоһон Агын үргэн талаар мушхаржа байна. Газар тэнгэри хоёрой саһаар шэдэлдэн, бэе бэеэ үрэхилсэжэ байһандал, һалхи шуурган нэгэшье замхангүй, зэрлиг зэбүүнээр эшхэрнэ. Энээн соо, юрэдөө, үдэр хүниие илгаруулха аргагүй.

Гэбэшье, тэрэ галзуу саһан шуурган соо нэгэ набтагар сагаан юумэ орбогоножо ябахадал гээд, Дээдэ Ушарбайн адагта үгы болошоно.

Тэрэ хадаа Баяндай баянай малшан Насанай Намсарай гэдэг байгаа юм.

Намсарай хоёр хоногой урда, һалхи шуурганай болохоор байхада эзэнэйнгээ мянга гаран хони адуулжа ябаһан хонишон Морхоое угтаха гэжэ гэрһээ гараһан аад, хонидоо байрадань хүргэжэ шадангүй, тэрэ һалхи шуурганда дайрагдаһан байгаа. Мүнөө Намсарай Морхоо хоёр эзэнэйнгээ хонин хүрэгые яажашье һаань, саһа шуурган соо абарха гэжэ, бэе мяхаяа хайрлангүй, хоёр үдэр, хоёр хүни Ушарбайн бэлшэрэй үбэртэ, жалгын хойто эрье дээрэ, ээрэжэ байба.

Намсарай модо тулаад, һалхине уруу харан зогсоно.

— Эй, бурхан, нигэһээр юун бологшо ааб?— гэжэ дуугарна.

Зүгөөр һалхинай зэрлиг зэбүүн эшхэрээн соо өөрын-гөөшье хэлэһэн үгэнүүдые дууланагүй.